

嘉 靖

思 南 府 志

全 一 册

(天一阁藏明代方志选刊)

中国人民政治协商会议文史资料研究委员会
贵州务川自治县委员会

一九九〇年六月

一九六二年一月上海
古籍书店据宁波天一
阁藏明嘉靖刻本景印
原书版框高二〇·九
公分宽一四·一公分

思南府志序

思南故宣慰司治，永乐中罢司置府，与内郡比，百有余年渐被文教，蔚然移风。而西麓田子以间出之，才追（读堆）琢至行，领袖后生，于是荐绅之士彬彬焉，冠于全省矣。府故无志，田子喟然述作，郡守洪君请而梓之。既成，而余以行部至。阅田子所为志，知其有翼翼（音木）忧国之思焉，非直以物色山川备图籍也。夫思南宇内之僻郡也，山谷厄狭，僚佬跽（音全）伏。在昔开疆羈縻而治，故其法未备，境多纒（音慢）土，沃而善树。四方流冗亡赖，匿命此焉。逋（音哺）藪虑不为土著而胥宇者，故其民易动。东迤酉阳，西连真、播，二三酋长无严黜（音触）陟（音质），豪举自恣。窳（音札）窳（音俞）其民，反目而吁天者，愤噪蜂起，轶（音邑）我疆场，池鱼之祸，比比罹之，皆异省辖属也，故督课之法难行。夫以法令未备之域，杂以易动之民，逼于豪举自恣之比邻，而郡守县令制不军兴锄击，卒有草窃变安所图，昔之为思南者亦难也。田子给事中，时常

建议于朝，请设按察佐使一员，治兵兹土，兼制诸司，警备不测。国论黷（音伟）之，竟如所请。乃今法制浸周，而奸究稍戢，是则田子有功于父母之邦也。志之作宜首表焉。他所称述，固末义尔。夫先王之治天下也，虑外而勤内，故政常均；其用人也，敬迓而恤远，故士有劝。乃今仕者，恋中朝内郡鄙边方，一阅除书，即神气沮丧，墨墨就列，一切自利，冀旦夕脱去为幸，何暇及民！夫使仕者，怀墨墨沮丧之心，甚非所以攘绥四表，纾主上旁瞩之忧也。故曰：择民而使者非良吏也；择官而宦者非忠臣也。苟以自靖为心，何论远近。且思南虽远，念其民独非先王之苗裔乎？出繒（音曾）粟、供徭役以奉其上，甚敬；困于盗贼之扰，不相保聚，望治于其上也，甚勤。然则思南之民，固无负于郡县长吏也。为郡县长吏者，独忍以边方鄙思南之民乎？此则田子之微意而未发者，余故论序首编，俾后之览者，有政治之资焉。若曰，将以披图籍，考山川，则信为斯志之末义矣。

嘉靖十六年春正月人日 钱塘·田汝成 序

思南府志序

志也者识也，郡之史也。以弥物采域质所稽也；以撰风谣淳岩所识也；以永监观文献所属也。古我有邦，莫之克废也，思何阙焉？黔荒之遗习也，谁是网罗之责。秋，自叨第以来，窃有志矣，而未之逮也。乃嘉靖甲午，郡传钟子主节亦有作矣，而事未竟也。明年冬，月峰洪公承藩，以南都枢佐出守我邦，宪古振文用继其役，弘敷之暇，爰以钟子之稿属予厘正焉。凡再阅月，绩用告成，公乃枉轩盖，过西麓之草堂而揖予曰：“是役也，有思以来一举者也。嘉成猷远，子可无言乎哉？”西麓子曰：“嘻！方册之布永矣，予何言也。”虽然亦窃闻之矣，天下平，则文物盛；统势一，则图志明。斯典也，世运关焉者也，且有经邦之道焉。昔者，先王之御世也，立典式而观民，因风宜而设教。是故陈诗纳价，以察趋也；五土有辨，以致化也；书用识之，以永风也。九丘之篇邈矣。职方之典，孔子述焉。大都为民治设也，此意而湮即记载之功盛矣，眩于观详于末文也，奚用哉？是录固无良亦罔或弗鉴于兹也。地里，辨方而黜附会以资理也；建置，原始而明制则以示守也；田赋，经国而昭民隐以长爱也；祠祀，以崇典存慎也；官师，以著鉴定趋也；人物，以征教化见仪表也；拾遗，广异杂识，备政稽也。贯之治式，本乎固体，惟是而已。乃若神而明之，则存乎其人者也，予何言也？昔李吉甫作《元和郡国志》，谓执此可以善治。兹录也，予固无言，窃有望也。秋，也才浅能


薄，学疏识陋，况岁月既深，系心北上，于是录也，虽略删其繁芜，间补其缺遗，然文多鄙俚，事全错杂，聊具草稿云耳。冀余他日得退归田里，尚当详辑更定，用备我思之全制焉。博览瞻闻之士，其尚予正也。


嘉靖丙申（十五年·1563年）春正月吉旦


赐进士第·征仕郎·礼科左给事中·

待经筵官·郡人·西麓田秋 书


志曷为先地理，土宇之启，民人由立也。舆地具而后城郭、宫室，有所丽焉，志建置第二。制成民萃，徭斂乃兴，志田赋第三。财赋之出，牺牲粢盛所以供也，志祠祀第四。官以佑神，师典阳教，幽明相须焉，志官师第五。先献名民，所以刑（正人之法也）邦国昭治教者，志人物第六。事之凿者理之藏，说鄙而诡（奇异也）皆国之故也，志拾遗第七。诰敕者王言之敷，而邦家斐如者也，用诰敕大典章也。呜呼！八者备，而郡事次第登列，稍可观矣。









—图 2 附一




—图 3—





— 图 4 —






—图 6—





—图 8—



— 图 9 —